

Kumet...

Kumet agierū koskas, ont rodēnēis skreita
Mēglū siulās ataustas, rokounas nedroušē
So īstrēgosio debesio, eita – noeita
Tuolēj tuolēj... Dā tuoliau ož šešouli ouse.

Kumet mūrēns rogsiejis pri longa glousniounas
Katram – tošti... Dā toštiau ož pēlkouji kieli,
Katraš žingsnius kavuo... mēnkus tropēnius dounas.
Tik šermokšniu rožončiaus tēn puotērā kelē...

Kumet nieka nebvuožuojo... tik linkou spalē
Lig skaudoma nuplėkontē – ētē... Dā ētē...
Kor bērštvīnā nu mēglū ē lītaus nubalē.
Žuodiu atdūsē– lėtaruom retē... tēp retē...

Kumet Pondėiva longē vėrp Tavuosēs pīedas,
Rodou okatnē vuortinkliu pastrajēs rieduos...